


Vischnaunca da Medel/Lucmagn



**Reglament forestal
per la
vischnaunca da Medel/Lucmagn**

I. Disposiziuns generalas

Art. 1 Intent

Igl uorden forestal regla l'organisaziun, las incumbensas e las obligaziuns dil survetsch forestal dalla vischnaunca.

Art. 2 Principi

Ils uauls communalns dueien saver ademplir lur funcziun da protecziun, d'utilisaziun, dil beinstar public e sco spazi vital per fauna e flora a moda cuzzonta.

Art. 3 Egalitad dallas schlatteinas

Tuttas indicaziuns sur personas e funcziuns serefereschon sin omisduas schlatteinas.

II. Administraziun

Art. 4 Organisaziun

La vischnaunca meina in survetsch forestal. Per ademplir meglier sias incumbensas sa quel collaborar cun auters menaschis. El sa surprendre lavurs accessorias ordeifer la sparta forestala.

Art. 5 Administraziun e survigilanza

L'administraziun e la survigilanza dils uauls communalns ei cussa dalla suprastonza communalna. In commember dalla suprastonza ei gerau dil forestalesser.

Art. 6 Suprastonza communalna

¹ La suprastonza communalna ei responsabla pil manteniment e per la cultivaziun cunvegna dils uauls communalns. Ella

- a) fixescha las directivas dalla politica forestala dalla vischnaunca;
- b) elegia il forester communal (tenor art. 37 al. 2 dalla constituziun communalna);
- c) relai la descripziun dalla piazza e fixescha ils duers e las cumpetenzas dil forester communal;
- d) dilucidescha il preventiv;
- e) survigilescha la gestiun dil menaschi;
- f) decida davart igl engaschament dils collaboraturs permanents e parzials;

- g) surdat lavurs en concorrenza;
- h) punescha surpassaments digl uorden forestal communal.

² Vegn ei tractau en las sedutas dalla supratsonza communal fatgs digl uaul, sa il forester communal vegnir envidaus.

Art. 7 Gerau dil forestalesser

Il gerau dil forestalesser

- a) promova l'economia forestala e la commercialisaziun dalla lenna en vischnaunca;
- b) representa ils interess forestals en la suprastonza communal ed anoviars;
- c) pren part tenor basegns allas uatgas forestalas;
- d) fa la proposta per surdar las lavurs forestalas;
- e) survigilescha la vendita dalla lenna;
- f) prepara il preventiv ensemen cul forester communal.

Art. 8 Forester communal / menader da menaschi

¹ Il forester communal vegn engaschus e salarisaus tenor las disposiziuns executivas decisivas dil cantun.

² El ha l'obligaziun da menar il menaschi forestal tenor las disposiziuns executivas dil Cantun¹ e tenor las descripziuns dalla piazza.

III. Cultivaziun digl uaul

Art. 9 Finamira

¹ Ils uauls comunals ein da cultivar tenor las disposiziuns fixadas en la planisaziun forestala. Els ston vegnir cultivai ed utilisai tenor principis economics ed ecologics cun mantener lur funcziun.

² Per uauls privats vegn visau vi sin la lescha cantunala d'uaul.

Art. 10 Program annual

Las lavurs sedrezzan tenor il program annual e tenor il preventiv.

¹ DER davart l'elecziun ed igl engaschament, ils dretgs e las obligaziuns dils selviculturs da revier dil Grischun.

Art. 11 Segirtad da lavur

¹ Lavurs d'uaul astgan vegnir exequidas sulettamein da luvrers cun formaziun professiunala corrispundenta². La disposiziun davart la segirtad da lavur digl ISAA (SUVA) ein da risguardar.

² Plinavon astgan lavurs a tiarzas personas vegnir surdadas mo sch'ina execuziun cunscienziusa ei garantida.

Art. 12 Protecziun dalla lenna

Nua ch'igl ei per il beinprosperar digl uaul necessari e per segirar la qualidad, sto la lenna vegnir allontanada immediat ord igl uaul ni vegnir tractada a moda cumpetenta.

Art. 13 Infrastructura

Per cultivar ils uauls communal eis ei da crear ina infrastructura cunvegnenta e quella ei da mantener en in bien stan.

Art. 14 Diever dallas vias d'uaul

¹ Il diever dallas vias d'uaul ei lubius sulettamein per intents forestals ed agricols sco era per las excepziuns lubidas tenor la lescha d'uaul federala e cantunala.

² Ulteriuras excepziuns regla la vischanunca el reglament pertuccont il diever dallas vias d'uaul.

IV. Products forestals e prestaziuns forestalas

Art. 15 Commercialisaziun

La vischnaunca commercialisescha e promova il meglier pusseivel ils products forestals e las prestaziuns forestalas. Ella sa sustener associaziuns cun las medemas finamiras.

Art. 16 Vendita da lenna

Il forester communal venda la lenna applicont ils principis dallas „isonzas commercialas svizras per lenna rodunda“.

² Prescripziuns davart la scolaziun minimala dils luvrers d'uauls el cantun Grischun.

Art. 17 Consum intern

La lenna da diever e da brisch che vegn duvrada per baghetgs communal vegn messa a quen pil prezi da fiera.

Art. 18 Lenna per agen diever

Mintga habitont sa tenor pusseivladad retrer per agen diever lenna da brisch e da diever, e quei per il prezi da fiera.

Art. 19 Lenna morta e cavrida

Cavrida cun in diameter sut 16 cm, roma, scorsas e restonzas da tagl e tocca libra astgan vegnir rimnadas.

Art. 20 Pigneuls

Pigneuls e dascha per tschupials astgan vegnir tagliai sulettamein cun consentiment dil bostger. Il forester communal procura per ina vendita da pigneuls da Nadal.

Art. 21 Prestaziuns internas

Prestaziuns e products per la vischnaunca vegnan cumpensai intern.

V. Terminaziun e mesiraziun

Art. 22 Mesiraziun

¹ Il territori d'uaul ei mesiraus e terminaui. Tiarms e segns da cunfin che mauncan astgan vegnir remplazzai sulettamein dil geometer uffical.

² Igl ei scumandau da midar, disfar ni donnegiar tiarms, segns da cunfin, puncts da mesiraziun, cunfins da partiziuns d'uaul, stagnaziuns da projects etc.

Art. 23 Revisiun

Midadas da cunfins, conducts, vias eav. ein da completar els plans d'uaul. Ils cuosts ein d'adossar al caschunader.

Art. 24 Manteniment

Ilis proprietaris d'uaul ein obligai da mantener la terminaziun. Succeda quei entras il forester communal vegnan ils cuosts adossai proporziunalmein als proprietaris.

VI. Protecziuns encunter donns

Art. 25 Pasculaziun

La pasculaziun dil territori d'uaul ei scumandada. Il contract da servitut impurtaus el cu-disch funsil dalla vischnaunca e las disposiziuns ella planisaziun forestala fixeschan ils detagls.

Art. 26 Fiug

Igl ei scumandau da far fiug egl uaul ed en vischinonza da quel.

Art. 27 Campar

Igl ei scumandau da campar egl uaul.

Art. 28 Deponias

Tuttas deponias da material e grascha sin territori d'uaul ein scumandadas.

VII. Disposiziuns penalas

Art. 29 Cumpetenzza

La suprastonza communal ei cumpetenta per tuts surpassaments digl uorden forestal, aschilunsch che quels ein buca suttamess alla cumpetenzza d'ina outra istanza.

Art. 30 Multas

¹ Tgi che cunterfa sapientivamein ni ord negligentscha a quella lescha u prescripziuns e determinaziuns che sebasan sin ella, vegn castigiaus dalla suprastanza communal cun fallonza da fr. 100.— tochen fr. 5000.—. Daventa quei per regl da gudogn, ei la suprastanza communal buca ligiada vid igl importo maximal.

² Ulteriuramein vala l'obligaziun da suprender l'indemnisaziun cumpleina dil donn.

Art. 31 Mieds legals

Encunter las multas dadas dalla suprastanza communal sa vegnir recurriu enteifer 20 dis alla Dertgira administrativa.

Art. 32 Obligaziun da denunziar

Las personas officialas ein obligadas da denunziar ils surpassaments.

VIII. Disposiziuns finalas

Art. 33 Abrogaziun dil dretg

Cun la vigur da quella lescha ein tuttas anteriuras prescripziuns cuntrarias dalla vischnaunca cassadas, specialmein il regulativ forestal dils 24 da settember 1989.

Art. 34 Approbaziun e vigur

Quest reglament passa en vigur cun l'acceptaziun dalla radunonza communal e cun l'approbaziun digl uffeci forestal cantunal.

Quest reglament ei vegnius approbaus dalla radunonza communal dils 16 da fenadur 2001.

La presidenta communal:

Il canzlist communal:

Anna Bundi-Pally

Valentin Pally

Approbau digl uffeci forestal cantunal ils _____.

Il selvicultur cantunal:

Andrea Florin

ANNEXA TIER IL REGLAMENT FORESTAL

Lenna da brisch e lenna da diever per domiciliai

Art. 1 Lenna da brisch

¹ Mintga domiciliau ha annualmein il dretg sin 3 m³ lenna da brisch sil tschep.

² Mintgin ei sez responsabels per la segirada necessaria.

Art. 2 Lenna da diever

¹ Domiciliai han il dretg da retrer entochen 30 m³ lenna da diever resgiada ord resgia communal per in prezi reduciu. La lenna astga vegnir duvrada mo per igl agen diever. Ei sa mo vegnir retratg lenna per baghetgs novs ni sanaziuns totalas da baghetgs.

² Il quantum lenna vegn concedius sin fundament dalla gliesta da lenna presentada.

³ La damonda per lenna da diever cun prezi reduciu ei da far enteifer in onn suenter haver retschiert la lubientscha da baghegiar.

Art. 3 Prezi

¹ Il prezia per lenna da brisch sil tschep munta a fr. 12.— per m³.

² Il prezi da vendita per lenna da diever resgiada sedrezza tenor la fiera cun risguardar ina reduziun da 25 %.

Art. 4 Midada da maun

Tgi che venda in baghetg construui cun lenna da prezi per domiciliai enteifer 10 onns ad in buca vischin ni ad in jester ha da pagar suenter la differenza agl entir prezi da commerci.

Approbau dalla radunonza da vischnaunca dils 16 da fenadur 2001.